



Broj: 07-01-11-2925-1/24

Goražde, 20.05. 2024. godine

Na osnovu člana 21. Zakona o unutrašnjim poslovima ("Službene novine Bosansko-podrinjskog kantona Goražde", broj: 6/15), a u skladu sa Zakonom o izvršenju Budžeta Bosansko-podrinjskog kantona Goražde za 2024. godinu ("Službene novine Bosansko-podrinjskog kantona Goražde", broj: 16/23), Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 6/16 i 12/16) i Programom o utrošku sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama, broj: 07-01-11-2925/24 od 20.05.2024. godine, ministar za unutrašnje poslove Bosansko-podrinjskog kantona Goražde, *r a s p i s u j e*:

JAVNI POZIV
za prijavu prijedloga projektnih aktivnosti za učešće
u Programu utroška sredstava Ministarstva za unutrašnje poslove
Bosansko-podrinjskog kantona Goražde sa
ekonomskog koda 614300 - Tekući transferi neprofitnim organizacijama

I Predmet javnog poziva

Predmet Javnog poziva je dodjela novčanih sredstava za finansiranje/sufinansiranje aktivnosti udruženja/neprofitnih organizacija (u daljem tekstu: udruženje) sa područja Bosansko-podrinjskog kantona Goražde (u daljem tekstu: Kanton), a što je osnovni cilj Programa utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama (u daljem tekstu: Program).

II Pravo prijave na javni poziv

Pravo prijave prijedloga projektnih aktivnosti na javni poziv imaju udruženja koja ispunjavaju opće i posebne ciljeve Programa, a prije svega one koji doprinose afirmaciji i promociji aktivnosti iz oblasti unutrašnjih poslova i očuvanju sjećanja na poginule pripadnike policije i njihovog doprinosa u odbrambeno-oslobodilačkom ratu 1992.-1995. godina.

III Kriteriji

Da bi predložene projektne aktivnosti bile finansirane/sufinansirane moraju zadovoljiti određene kriterije utvrđene u Programu, a isti su navedeni u nastavku ovog javnog poziva.

Kriteriji prihvatljivosti za učešće u Programu (opći i posebni)

Prijedlozi projektnih aktivnosti se najprije razmatraju kako bi se utvrdilo odgovaraju li u potpunosti općim kriterijima prihvatljivosti za učešće u Programu ali i posebnim kriterijima prihvatljivosti za učešće u Programu.

Opći kriteriji

Za učestvovanje u prijavi na javni poziv, potrebno je dostaviti sljedeću dokumentaciju:

- popunjen Obrazac za aplikaciju za finansiranje/sufinansiranje projektnih aktivnosti koji sadrži: naziv projekta; opis potreba; kratak opis projekta; ciljevi; ciljne grupe; plan trajanja projekta; osoblje i budžet,
- da je udruženje registrovano na području Kantona,
- da udruženje ima finansijski izvještaj za 2023. godinu,
- Projekat ili obrazložen zahtjev za odobravanja sredstava.

Posebni kriteriji

- da se radi o projektu/zahtjevu koji se odnosi na učešće u organizovanju i obilježavanju značajnih datuma pripadnika Ministarstva za unutrašnje poslove Kantona,
- da unaprjeđuje kulturne, sportske ili druge oblike organizovanja i saradnje udruženja sa istim ili sličnim udruženjima u Federaciji Bosne i Hercegovine,
- sredstva koja se traže za realizaciju projekta moraju biti u granicama odobrenih budžetskih sredstava u iznosu od 3.000,00 KM.

Da bi učestvovalo na javnom pozivu, udruženje treba dostaviti sljedeće dokumente:

- Rješenje o registraciji,
- Projekat dostavljen na aplikativnom Obrascu koji je sastavni dio Programa,
- uvjerenje o poreskoj registraciji - identifikacioni broj,
- dokaz o aktivnom transakcijskom računu (potvrda banke ili ovjerena fotokopija ugovora),
- usvojen finansijski izvještaj za prethodnu godinu.

Dokumentacija se dostavlja kao original ili ovjerena kopija.

IV Odabir korisnika i dodjela sredstava

Sve dostavljene prijedloge projektnih aktivnosti pregleda i ocjenjuje Komisija imenovana od strane ministra za unutrašnje poslove Bosansko-podrinjskog kantona Goražde. Bodovni kriteriji za ocjenu prijedloga projektnih aktivnosti su utvđeni u Programu, koji se može preuzeti na internet stranici Vlade Kantona - link Ministarstva. Komisija daje ministru prijedlog o dodjeli sredstava udruženju čiji projekat zaslužuje pomoć.

V Obrazac prijave

Obrazac prijave je sastavni dio javnog poziva.

VI Preuzimanje javnog poziva

Javni poziv sa obrascem prijave može se preuzeti na internet stranici Ministarstva www.mup.bpkg.gov.ba ili u pisarnici Ministarstva.

VII Rok za podnošenje prijava

Prijave po ovom javnom pozivu se podnose u roku od 10 dana od dana objavljivanja.

Prijave se dostavljaju na adresu:

Ministarstvo za unutrašnje poslove Bosansko-podrinjskog kantona Goražde - Komisija za pregled i ocjenu prijedloga projektnih aktivnosti -, ulica Zaima Imamovića 5, 73000 Goražde, sa naznakom "Ne otvaraj - Prijava za Javni poziv - transfer udruženjima".

VIII Način objave

Javni poziv se objavljuje u elektronskim medijima na području Kantona, internet stranici Vlade Kantona i Ministarstva kao i oglasnoj ploči Kantona i Ministarstva.

Dodatne informacije u vezi sa realizacijom javnog poziva mogu se dobiti u Kabinetu ministra, na telefon 038/221 532.

Ministarstvo zadržava pravo poništenja ovog poziva do odabira korisnika sredstava bez obaveze pismenog ili usmenog obrazloženja kao i bez obaveze snošenja troškova za podnošenje zahtjeva po ovom pozivu.

